

ԻՍԱՀԱԿ ԼԱԼԱՅԱՆՑ


Պատմ. գիտ. դոկտոր Ա. Ն. ՄՆԱՑԱԿԱՆՅԱՆ

Իսահակ Քրիստափորի Լալայանցը (1870—1933) լենինյան գվարդիայի նշանավոր ներկայացուցիչներից մեկն է։ Նա ծնվել է 1870 թ. հուլիսի 24-ին, Թերեքի մարզի Ղզլար քաղաքում։ Հայրը ապրում էր Ղզլարում և զբաղվում էր այգեգործությամբ։ Պատանի Իսահակը նախնական կրթությունն ստանում է Ղզլարում հայոց լեզվով։ Ծնողների մահից հետո նա փոխադրվում է Թիֆլիս, որտեղ աշխատում էին երեք եղբայրները՝ Իվանը, Նիկոլայը և Գերասիմը։

1882 թ. Լալայանցը սովորում է Թիֆլիսի ռեալական ուսումնարանում¹։ 1884 թ. եղբոր՝ Նիկոլայի Կադան աշխատանքի փոխադրվելու կապակցությամբ Իսահակն էլ գնում է Կադան, որտեղ շարունակում է ուսումը ռեալական ուսումնարանում²։

1886 թ. Իսահակը, որպես գիշերօթիկ-ճաշորդ («նախլերնիկ») ապրում է մի բնակարանում, որտեղ նույն պայմաններով ապրում էր նաև Կադանի № 1 գիմնազիայի աշակերտ Ն. Ծ. Ֆեդոսենը, որը մի «մեծ շնորհքով օժտրված, կրակոտ երիտասարդ էր», — գրել է Ի. Լալայանցը. Ն. Ծ. Ֆեդոսենն է, որ, ինչպես գրում է Լալայանցը, նրա մեջ առաջին անգամ հետաքրքրություն է առաջ բերել դեպի քաղաքական հարցերը³։

Կադանի ռեալական ուսումնարանում սովորելու տարիներին Ի. Լալայանցը զբաղվում էր նաև ինքնակրթությամբ, ծանոթանում էր մարքսիստական-սոցիալ-դեմոկրատական հայացքներին, սովորում օտար լեզուներ։ Ֆեդոսենի հետ մտերմանալով, Լալայանցը ներգրավվում է ընդհատակյա գործունեության մեջ։ «Մեղ անծանոթ չէին «Կապիտալի» առաջին հատորը, — գրել է նա հետագայում այդ մասին, — էնգելսը, Կաուցկին»⁴։ 1889 թ. ոստիկանությունը ձերբակալում է Ֆեդոսենին և նրա շատ համախոհներին։ Բանտ է ընկնում նաև



¹ Մոսկվայի ԿՊՊԱ, ԴՊ, 7, 1900, № 234. մ. 13, թ. 2, 3, 4։

² Լենինգրադի Մարգային պարտ. արխիվ, ֆ. 253/49, ց. 1, գ. 56, թ. 889, 427։

³ ՀԻԿՊԱ, ֆ. 619 Գ, գ. 1651, թ. 3։

⁴ «Федосеев Николай Евграфович» (сборник), М.—Л, 1923, էջ 29։

Հայայանցը, սակայն միայն մեկ օրով: Նրան հաջողվում է «թեթև պրծնել», արտաքսվել Կաղանից: Հայայանցը մեկնում է Նիժնի Նովգորոդ, կապվում բանվորական ընդհատակյա խմբակների հետ:

1890 թ. Ի. Հայայանցը կանչվում է զինվորական ծառայության և ուղարկվում Կովկաս: Նա ծառայում է որպես հրետանու կրտսեր ենթասպա:

Ըրկու տարուց ավելի ծառայելով Թիֆլիսում, Հայայանցը կապեր է հաստատում քաղաքի ընդհատակյա գործիչների հետ: Վերջերս հայտնաբերված արխիվային նյութերը վկայում են Հայայանցի գործունեության մի քանի կարևոր և մեծ հետաքրքրություն ներկայացնող կողմերի մասին: Կաղանի նահանգային ժանդարմական վարչության պետի 1893 թ. հունվարի 17-ի զեկուցագրից երևում է, որ Իսահակ Հայայանցը Թիֆլիսից կապեր է հաստատել Շտուտղարդի մարքսիստական գրականության հրատարակչության (Դիտցի) հետ, 1892 թ. զարնանը ստացել է Մարքսի և էնգելսի գրքերից: Զեկուցագրում ասված է, որ Իսահակը Դիտցի հետ կապվել է իր ավագ եղբոր՝ Իվան Հայայանցի միջոցով: Իսահակը ցուցմունք է տվել, որ Իվան Հայայանցը (Թիֆլիսի առևտրական բանկի տնտեսագետ) «մի քանի անգամ օգտվել է Դիտցի հրատարակչությունից, Շտուտղարդից ստացել է զերմաներեն դանադան գրքեր, որոնք թարգմանել է հայերեն»⁵ Այդ հարցի հետագա ուսումնասիրությունը կարող է նոր, կարևոր փաստեր հայտնաբերել Կովկասում մարքսիզմի տարածման մասին: Համենայն դեպս, կասկածից դուրս է, որ Իսահակ Հայայանցը Թիֆլիսում 1892 թ. Շտուտղարդից ստացել է Կ. Մարքսի «Փիլիսոփայության աղքատությունը» և այլ գրքեր: Այնուհետև, ինչպես ժանդարմական բնիչներին տված ցուցումների մեջ խոստովանել է Իսահակ Հայայանցը, նա «Թիֆլիսի ծանոթներից մեկի (անունը չի ասում—Ա. Մ.) որոշ օգնությամբ թարգմանում է «Կարլ Մարքսի տնտեսական ուսմունքը»⁶ (Կաուցկու շարադրությամբ) աշխատությունը:

Կաղանի դատական պալատի դատախազը, քննելով Իսահակ Հայայանցի ընդհատակյա գործունեությունը, լիովին հաստատել է ժանդարմական վարչության տվյալները: Դեռ ավելին, նա էլ իր հերթին ցարական մինիստրին ներկայացրած զեկուցագրի մեջ ավելացնում է, որ Հայայանցը, Թիֆլիսում եղած ժամանակ, իր եղբոր խորհրդով դիմել է Դիտցի հրատարակչությանը և նրանից ստացել էնգելսի «Ընտանիքի, մասնավոր սեփականության և պետության ծագումը» գիրքը, որը դրված է եղել «Վաճառականական գործի ինքնուսույց» վերնագիրը կրող կազմի մեջ⁷:

Այդ տեղեկությունները ցույց են տալիս, որ Անդրկովկասում, հայ իրականության մեջ Մարքսի և էնգելսի առանձին աշխատությունները ստացվում էին դեռևս 1890-ական թթ. սկզբներին, և այդ գործում կարևոր դեր է կատարել Իսահակ Հայայանցը:

1892 թ. կեսերին Ի. Հայայանցը ավարտում է զինվորական ծառայությունը և մեկնում նախ Նիժնի Նովգորոդ և ապա դարձյալ Կաղան, անասնաբուժական ինստիտուտ ընդունվելու մտադրությամբ: Կաղանում Հայայանցը շարունակում է հեղափոխական աշխատանքը, ստեղծում նոր կապեր: Այստեղ նա

⁵ Մոսկվայի ԿԳՊԱ, ֆ. ԴՊ, 7, 1892, գ. 237, հատ. 2, թ. 325:

⁶ Նույն տեղում:

⁷ Լենինգրադի ԿԳՊԱ, ֆ. 1405, ց. 93, 1892, գ. 10600, թ. 37:

ավարտում է էնդելսի «Ընտանիքի, մասնավոր սեփականության և պետության ծագումը» գրքի թարգմանությունը գերմաներենից ռուսերեն, շարունակում է զբաղվել ինքնակրթությամբ և պրոպագանդիստական գործունեությամբ, ձեռնարկում է Մարքսի և էնդելսի նաև ուրիշ երկերի թարգմանությունը։ Սակայն երիտասարդ մարքսիստի գործունեությունը չի վրիպում ժանդարմական դործակալների խուզարկու աչքերից։

1893 թ. նոր տարվա օրը ժանդարմները խուզարկում են Ի. Լալայանցի բնակարանը, իսկ հունվարի 2-ին արդեն Լալայանցը նստած էր Կազանի բանտի մի խցիկում։ Նրա բնակարանի ու բնագրավված նյութերի մեջ էին՝ «Իսահակ Լալայանցի գրած 13 կետերից կազմված մի ծրագիր, հանցավոր բովանդակությամբ», «Հեղափոխական ռեֆերատ», որը խոսում է «հեղափոխական պրոպագանդի մասին», 5 տետրեր Լալայանցի ձեռագրով, որոնք պարունակում էին Մարքսի «Փիլիսոփայության աղքատությունը» գրքի ռուսերեն թարգմանությունը, Վիլհելմ Լիրկենխտի ճառերի Լալայանցի ռուսերեն թարգմանության երկու տետրակ, «Կրկնակի հաշվապահության պարզ ինքնուսույց» վերնագիրը կրող դիրքը, որի կազմի մեջ դրված էր էնդելսի «Ընտանիքի... ծագումը» աշխատությունը, որն, ինչպես նշել է ժանդարմական գնդապետը՝ «արգելված է Ռուսաստանում օգտագործել»։ Ժանդարմների վերցրած ավարտի մեջ էր նաև Ի. Լալայանցի ծոցատետրը՝ զանազան նշումներով և հասցեներով։ Այսպես, Իսահակ Լալայանցը երկրորդ անգամ բանտ ընկավ, ուր մնաց մինչև փետրվարի վերջերը, այնուհետև նրան ազատ արձակեցին՝ մինչև դատական պրոցեսը ոստիկանական հսկողության տակ պահելով և արտաքսելով Կազանից, արգելելով բնակվելու Մոսկվա, Պետերբուրգ, Սարատով, Նիժնի, Թիֆլիս, Բաքու և այլ կենտրոնական քաղաքներում։

Սոցիալ-դեմոկրատ ընկերների խորհրդով. Լալայանցը որոշում է գնալ Սամարա։ Բայց ո՞ւմ մոտ, ինչպե՞ս ստեղծել այնտեղ աշխատելու պայմաններ։ 22 տարեկան մարքսիստը Կազանի բարեկամներից վերցնում է մի քանի հասցեներ, ստանում անձնագիր և մեկնում Սամարա։ Իր ունեցած հասցեներով այստեղ նա այցելում է Դոլգովին, որը նարոդովոլեց էր։ Նա Լալայանցին ընդունում է «շատ սրտաբաց ու սիրալիր»։ Հին նարոդովոլեց ծերունին կարծես կենդանություն ստացած, աշխույժ գրուցում էր Լալայանցի հետ, նրան պատմում Սամարայի մասին և հարցնում Կազանի կյանքից, երբ, ինչպես պատմում է Լալայանցը, ներս է մտնում «ոչ-բարձրահասակ, բայց շատ ամրակազմ, հատկապես բեղերի ու մորուքի մեջ շիկակարմրին տվող խարտյաշ մազերով, 22—23 տարեկան մի երիտասարդ»։

Արտակարգ խելացի ու խորապես համակրելի դեմքով երիտասարդը Վլադիմիր Բլյիշ Ուլյանովն էր։ Ընդհանուր զրույցից հետո, քիչ անց, հրաժեշտ տալով Դոլգովին, Վլադիմիր Ուլյանովն ու Լալայանցը դուրս են գալիս։ «Ծանապարհին մեր միջև սկսվեց մի հետաքրքիր խոսակցություն, — պատմում է Լալայանցը, — որը մեզ հնարավորություն տվեց ավելի մոտիկից ծանոթանալու իրար հետ... Մեր զրույցը, բնականաբար, անցավ նարոդնիկներին ու մարքսիստներին վերաբերող թեմային, և մենք երկուսս էլ այնքան տարվեցինք, որ չնկատեցինք, թե ինչպես հասանք նրա բնակարանին, և քանի որ դա զրույցի ամենահետաքրքիր տեղն էր, ապա Վլադիմիր Բլյիշը ասաց, որ ինձ «մի փոքր»

և տ կուղեկցիւ Աննկատելիորեն հասնելով իմ բնակարանին, ևս իմ հերթին առաջարկեցի նույն բանը... Եւ ահա այդպէս, ամեն անգամ իրար «էլի մի քիչ ուղեկցելով, մենք նորից շորս պտույտ գործեցինք: Վերապէս, որոշեցինք, որ միևնույն է՝ ամբողջ նյութը մենք չենք սպառի, և ճանապարհի կեսին, ամուր սեղմելով իրար ձեռք, գնացինք մեր տները, պայմանավորվելով, որ հաջորդ երեկոյան նա ինձ կտանի ծանոթացնելու ինչ-որ հասարակության և, ամենից առաջ իր մտերիմ բնկերոջ՝ Ա. Վ. Պոպովի (Ա. Պ. Սկլյարենկո) հետ»⁹:

Երիտասարդ մարքսիստ Վլադիմիր Ուլյանովը ուժեղ տպավորություն թողեց հասակակից լայականցի վրա: «23-ամյա մարդու մեջ,— գրել է Իսահակը,— ամենազարմանալի կերպով զուգակցվում էին, մի կողմից, պարզությունը, նրբազգացությունը, կենսութաթուփունն ու կրքոտությունը, և մյուս կողմից՝ մեծալիքությունը, գիտելիքների խորությունը, տրամաբանական անողոր հետևողականությունը, դատողության ու սահմանումների պարզորոշությունն ու հստակությունը»¹⁰: Այդպէս սկսվեց առաջին հայ մարքսիստի ծանոթությունը Վլադիմիր Ուլյանովի հետ, սկսվեց նրանց բարեկամությունն ու բնկերությունը, նրանց համատեղ գործունեությունը նոր տիպի մարքսիստական կուսակցության ստեղծման համար ծավալվող պայքարում:

Ի. լայանցը Վ. Ի. Լենինի հետ ծանոթանալու հաջորդ օրը այցելեց նրա բնտանիքին, ծանոթացավ մոր՝ Մարիա Ալեքսանդրովնայի և քույրերի՝ Աննայի ու նրա ամուսին Մ. Ելիզարովի և Մարիա Իլյինիչնայի ու հորր՝ Դմիտրի Իլյիչի հետ, այնուհետև Լենինի բնկերոջ՝ Ալեքսեյ Սկլյարենկոյի հետ: Լենինի, լայանցի և Սկլյարենկոյի միջև կար հայացքների լիակատար համերաշխություն: 1893 թ. ձմեռը ձևավորվեց հեղափոխական մարքսիստների «Սամարայի եռյակը», որը պրոպագանդիստական ու կազմակերպական գործունեություն ծավալեց Սամարայում մարքսիզմի տարածման և սոցիալ-դեմոկրատական խմբակների ստեղծման ուղղությամբ: «Սամարայի եռյակը», իրար հետ շափազանց մերձեցած համախոհ բնկերներ» այդ խումբը հանդիսացավ ապագա Լենինյան կուսակցության առաջին բջիջներից մեկը: Այդ խմբակում Վ. Ի. Լենինի, Ի. Խ. լայանցի և Ա. Պ. Սկլյարենկոյի գործունեությունը կուսակցության կառուցման համար մղված պայքարի հնագույն էջերից մեկն է¹¹:

1894 թ. մայիսի 24-ին Սամարայում լայանցի և Սկլյարենկոյի մոտ եկան ժանդարմները: Վ. Ի. Ուլյանովը մեկնել էր Պետերբուրգ: Լայանցը և Սկլյարենկոն ձերբակալվեցին: Լայանցը Կազանի խմբակի գործով դատապարտվեց 10 ամսվա բանտարկության՝ մենախցում: Նրան ուղարկեցին Պետերբուրգի «Կրեստե» բանտը: Իմանալով այդ մասին, Վ. Ի. Ուլյանովը անտարբեր չմնաց դեպի փորձության մեջ բնկած բնկերը: Շուտով բանտում լայանցին տեսակցության եկավ նրա «հարսնացուն»՝ Օլգա Չաչինան, որին Լենինն էր ուղարկել: Առաջին տեսակցությունը, երկրորդը, և այդպէս, Վլադիմիր Ուլյանովը բանտային խցիկում նստած լայանցին ուղարկում էր գրքեր, նորություններ, հույս ու հավատ:

⁹ Ի. լայանց, 1893—1900 թվականների բնթացքում Վ. Ի. Լենինի հետ ունեցած հանդիպումների մասին (հուշեր):

¹⁰ Նույն տեղում:

¹¹ Այդ մասին մանրամասն տեղեկություններ կան Ե. Ա. Գրիբանովայի «Մարքսիստական խմբակները Սամարայում XIX դարի 90-ական թվականներին» թեկնածուական դիսերտացիայում (Լենինգրադի համալսարան), 1954:

Բանտարկության ժամկետը լրանալուց հետո Հալայանցն ազատ արձակվեց և իսկույն մեկնեց Վասիլևսկի Ոստրով, Չաչինայի մոտ։ Այստեղ նա հանդիպում է Վլադիմիր Ուլյանովին։

Հալայանցին արգելված էր ապրել մայրաքաղաքներում, նրա համար «րնտրել էին» այս անգամ Պենզան, ուր պետք է մեկնեի Պետերբուրգից։

Պենզա մեկնելուց առաջ Պետերբուրգում Հալայանցը և Լենինը քննում են առաջիկա անելիքների պլանը։ Հալայանցը Պետերբուրգից մեկնեց Մոսկվա՝ Վ. Ի. Լենինի հետ միասին։ Ամրոզչ ճանապարհին գնացքում ընկերները գրում էին իրենց հուզող հարցերի մասին։ Հալայանցն իր գրվածքների մեջ ընդգծել է, որ հենց այդ ժամանակ էլ «ինձ համար բավականին պարզությամբ սկսեց ուրվագծվել Վլադիմիր Իլյիչի ակտիվ և ղեկավար դերը այդ բոլոր աշխատանքներում»։ Գնացքը երկու բարեկամներին հասցրեց Մոսկվա։ Այստեղ Հալայանցը կանգ առավ Ուլյանովների հյուրընկալ ընակարանում, Լենինի հետ միասին շրջապատվեց նրա հարազատների հոգատարությամբ։ Վ. Ի. Լենինը պատրաստվում էր մեկնել արտասահման կապեր հաստատելու «Աշխատանքի ազատագրության» խմբակի հետ։ Հալայանցի Պենզա մեկնելու օրը երիտասարդ մարքսիստները բաժանվեցին մեկը ղեպի Պենզա, մյուսը՝ Պետերբուրգ մեկնելու համար։ Մինչդեռ Հալայանցը կհասներ Պենզա և կընտելանար տեղական կյանքին, Լենինն արդեն մեկնել էր Ժնև, Պլեխանովի հետ ունեցել առաջին հանդիպումը, քննել Ռուսաստանի սոցիալ-դեմոկրատական շարժման ստաշնահերթ խնդիրները։

Պենզան խիստ նեղ թվաց Ի. Հալայանցի հեղափոխական գործունեության համար։ Սկսվեցին նրա ջանքերը Եկատերինասլավ մեկնելու համար։ Դիմումներ են ուղղվում ներքին գործոց մինիստրին։ 1895 թ. սեպտեմբերի սկզբներին Վ. Ի. Լենինն արդեն վերադարձել էր արտասահմանից, այցելել Մոսկվա։ Լենինը հետաքրքրվել էր Հալայանցով, քրոջ ամուսնու՝ Ելիզարովի միջոցով նրան ուղարկել նամակ և այն ժողովածուն, որում գետեղված էր Տուլինի հողվածք և որի պատճառով տիրաժր բռնագրավվել է հենց տպարանից։ Հալայանցի համար Վ. Ի. Լենինից ստացած նամակը և թանկագին նվերը՝ դիրքը, ոգեշնչման նոր աղբյուր հանդիսացան, նրա առջև կուտակված մշուշը մի պահ ցրվեց։

Հալայանցն անմիջապես գաղտնի մեկնեց Մոսկվա, և նորից ջերմորեն հանդիպեցին գաղափարակից բարեկամները։ Լենինը և Հալայանցը քննում են Հալայանցին Հարավային Ռուսիա փոխադրելու պլանը։ Ինչպես վկայում է Հալայանցը, Լենինը տեղյակ էր հարավում բանվորական շարժման վիճակին, նա գիտեր, որ Եկատերինասլավում կազմակերպությունը մեծ փորձության էր ենթարկվել, ձախողվել, շատ գործիչներ բանտ էին նետվել, հարկավոր էր վերսկսել գործը։ Հալայանցի հետ միասին Եկատերինասլավ գնալու նախապատրաստություն էր տեսել նաև երիտասարդ մարքսիստ Պրասկովյա Իվանովնա Ելշինան, Հալայանցի հարսնացուն և մարտական ընկերուհին։ Պ. Ի. Ելշինան գրել է, որ մեկնելուց առաջ Հալայանցը «Մոսկվայում հանդիպում ունեցավ Վլադիմիր Իլյիչ Լենինի հետ»¹²։

Երիտասարդ գույգը հասավ Եկատերինասլավ։ Նրանց ետևից Եկատերինասլավի նահանգապետը հանձնարարական գրություն ուղարկեց ժանդարմա-

¹² Դենկարուպետովսկի մարզային պետարխիվ. «Չարյա» թերթի ֆոնդը 13—6, № 137 (փաստաթղթի բնագիրը գրված է ուկրաիներեն և թարգմանվել է մեր խեղրանքով)։

կան վարչություններ: Գրություն մեջ ասված էր, որ պաշտոնի հրետանու ենթասպա Իսահակ Խրիստաֆորի Հայկանցը, որը երեք տարի պետք է գտնվի հակողության տակ, փոխադրվել է Եկատերինասլավ ապրելու, ուստի «սույնով հանձնարարվում է Եկատերինասլավի ոստիկանապետին, Հայկանցի ժամանելուն պես, նրան վերցնել բացահայտ հակողության տակ, վերևում սահմանված ժամանակամիջոցում...»¹³: Հայկանցին ներկայացրել էր ոստիկանական հակիչը: Թեև բացահայտ հակողության տակ էր, բայց նա սկսում է գործը, համախմբում է մարքսիստների փոքրիկ խումբ, հակիչի աչքից ծածուկ կապեր է հաստատում, գրականություն ստանում և տարածում:

1895 թ. դեկտեմբերին էր Հայկանցը ստացավ ցավալի լուր. Պետերբուրգում «Բանվոր զասակարգի ազատագրման պայքարի միությունը» մեծ փորձության էր ենթարկվել, բանտարկվել էին Վ. Ի. Լենինը և նրա շատ զինակիցներ: Բայց պայքարը շարունակվում էր տեղերում Պետերբուրգի լենինյան «Միության» օրինակով կազմակերպություններ ստեղծելու համար: Շուտով Պետերբուրգից Եկատերինասլավ եկավ Լենինի զինակից Իվան Բարուչկինը: Այնտեղ էր գործում ուսուցիչի գործիչ Յուրի Կուլյարկոն: Ստեղծվում է Եկատերինասլավի մարքսիստական խմբակների ղեկավար կորիզ, գրվում են թուղթիկներ, գործում են խմբակները, աշխույժ հեղափոխական աշխատանք է ծավալվում բանվորների մեջ: Այստեղ էլ Ի. Հայկանցն ամուսնանում է Պրասկովյա Նիշինայի հետ (այսուհետև Պ. Ի. Հայկանց):

1897 թ. կեսերին տարբեր խմբակների ներկայացուցիչները միավորում են բոլոր խմբակները և կոչում Եկատերինասլավի «Բանվոր զասակարգի ազատագրման պայքարի միություն», որի ղեկավոր ղեկավարներն էին Ի. Խ. Հայկանցը, Ի. Բարուչկինը, Մ. Յիսակյան և ուրիշներ: Նրանք կապվում են Կիևի, Խարկովի, Մոսկվայի, Պետերբուրգի և այլ մարքսիստական խմբակների հետ, եռանդուն աշխատանք սկսում պարտիայի համագումար նախապատրաստելու համար:

1898 թ. մարտին էր Պետք էր ընտրել պատգամավոր համագումարի համար: Ընտրել Հայկանցին, այդ նշանակում էր նրա վրա բացահայտ հակող ոստիկանին տանել Մինսկ, ուղիղ համագումարի շենքը: Համագումար ուղարկվեց Կ. Ա. Պետրուսովիչը: Տեղում ընդհատակյա կյանքը եռում էր: Համագումարից վերադառնալով, պատգամավորը եկավ Հայկանցի բնակարանը, նրան զեկուցեց ՌՍԴԲԿ հռչակելու, նրա մանիֆեստի, Կենտկոմի և այլ հարցերի մասին: Կես ժամ անց Պետրուսովիչը ձերբակալվեց: Ժանդարմները ներխուժեցին և Հայկանցի բնակարանը, սակայն... «ոչինչ հանցավոր բան չգտան»: Մի քանի օր անց, քաղաքից դուրս, դաշտում գումարվեց Եկատերինասլավի սոցիալ-դեմոկրատական խմբակների անդամների գաղտնի ժողովը, որտեղ ՌՍԴԲԿ I համագումարի մասին զեկուցում տվեց Եկատերինասլավի կոմիտեի անդամ Ի. Հայկանցը: Հրապարակվեց ՌՍԴԲԿ I համագումարի մանիֆեստը, որի «ընթերցումից հետո հավաքվածներն իրենց հայտարարեցին ՌՍԴԲԿ Եկատերինասլավի կոմիտե»¹⁴: Կոմիտեի կազմի մեջ մտան Ի. Հայկանցը, Ի. Բարուչկինը, Մ. Յիսակյան, Ա. Կուլարկինը, Պ. Հայկանցը և ուրիշներ¹⁵:

¹³ Նույն տեղում, ֆ. 9, գ. 249, թ. 371:

¹⁴ Տե՛ս Մ. Ն ո վ ո ս ե լ ո վ, Բարուչկին, Մ., 1954 (ռուս.), էջ 176:

¹⁵ Մոսկվայի ԿՊՊԱ, ֆ. ԴՊ, 00, 1898 թ., № 5, մաս 54, թ. 72—75:

Շուտով լրացավ Լալայանցի նկատմամբ «բացահայտ հսկողության ժամկետը»։ Լալայանցն իսկույն անհայտացավ Եկատերինասլավից։

Ժանդարմական կորպուսն ամենուրեք հրահանգ տվեց հետևել, գտնել Լալայանցին և նրա վրա հաստատել «գաղտնի հսկողություն»։ 1898 թ. հունիսի 30-ին Թիֆլիսի ոստիկանապետն ստացավ գրություն այն մասին, որ Իսահակ Լալայանցը «ներկայումս ապրում է Թիֆլիս քաղաքում» և խնդրվում է որոնել նրան ու նրա վրա սահմանել «անհրաժեշտ հսկողություն»¹⁶։

1898 թ. երկրորդ կեսին և 1899 թ. Լալայանցը ապրում էր Թիֆլիսում. Թիֆլիսից 1899 թ. վերջերին Լալայանցը անցնում է Վորոնեժ և ապա Եկատերինասլավ, վերսկսելով իր ղեկավար մասնակցությունը ՌՍԴԲԿ տեղական կոմիտեի աշխատանքին։ Մինչպես հաստատվել է հարցաքննությամբ,— գրված է ժանդարմական մի փաստաթղթում,— Լալայանցը եղել է կոմիտեի անդամներից մեկը և աչքի ընկնող տեղ է գրավել բանվորական խմբակներ կազմակերպելու և անլեգալ գրականություն մատակարարելու գծով»¹⁷։

1899 թ. վերջերին Ի. Լալայանցը և Եկատերինասլավի կոմիտեի ուրիշ անդամներ կազմակերպում են «Южный рабочий» մարքսիստական թերթը։ Լալայանցը դառնում է նրա խմբագիրներից մեկը։ «Յուժնի ռաբոչի» թերթի № 1-ը լույս տեսավ 1900 թ. հունվարին, երբ Վ. Ի. Լենինը ազատվեց սիբիրյան աքսորից, 300 կիլոմետր ձիով ու ոտքով անցնելով, ուղևորվեց դեպի Մոսկվա, հարազատների մոտ։

1923 թ. հրատարակված «Եկատերինասլավի սոցիալ-դեմոկրատական կազմակերպության պատմություն» գրքում գետեղված է Ի. Խ. Լալայանցի պորտրեն, որի տակ գրված մականգրությամբ Ի. Խ. Լալայանցը բնութագրվել է որպես Եկատերինասլավի «առաջին սոցիալ-դեմոկրատական կոմիտեի գաղափարական ղեկավար և «Յուժնի ռաբոչի» թերթի գլխավոր հիմնադիրներից մեկը»։

Թերթի առաջին համարում տպված հոդվածում Ի. Խ. Լալայանցը, շարադրելով բանվոր դասակարգի վիճակը և ցարական կառավարության հանցագործությունները, նշում է, որ այդ կառավարության տապալումով հնարավոր կլինի աշխատավորներին փրկել շահագործումից. «Այդ խնդրի կատարման համար բանվոր դասակարգի մասնատված ուժերն անբավարար են։ Անհրաժեշտ է այդ բոլոր ուժերը միավորել մեկ կուռ, միասնական, մեկ բանվորական բանակի մեջ, մեկ ընդհանուր նպատակի ուղղված պայքարի միասնական եղանակներով։ Անհրաժեշտ է Համառուսաստանյան բանվորական կուսակցություն, որը կմիավորի բանվորների առանձին ձգտումները և դրանք կուղղվի դեպի գիտակցական պայքար միևնույն խնդիրների համար»¹⁸։

Լալայանցի, Խարչենկոյի, Մաշեցկու, Նաումովի, Ցիակայայի և Եկատերինասլավի կոմիտեի մյուս ղեկավար գործիչների մոտ միտք է ծագում հրավիրել ՌՍԴԲԿ II համագումար, I համագումարի սկսած, բայց կիսատ մնացած գործը մինչև վերջ հասցնելու համար։ Կոմիտեի անդամները մեկնում են այլ քաղաքներ, տպում և տարածում են «Յուժնի ռաբոչի» թերթը, թուղիկներ, ագիտացիա են ծավալում համագումարի օգտին։

¹⁶ Վրացական ՍՍՀ ԿՊՊԱ, ֆ. 7, 1898 թ., գ. 205, թ. 84։

¹⁷ Մոսկվայի ԿՊՊԱ, ֆ. ԴՊ, 7, 1900, գ. 234, մաս 13, թ. 1ա։

¹⁸ ՏԼ՝ս «Южный рабочий» թերթը, 1900, № 1։

Այդ աշխատանքը ոստիկանների աչքից աննկատելի շմնաց։ Ոստիկանական ղեկարտամենտի 1900 թ. ձմռանը գրված ղեկուցագրերից մեկում նշված է, որ «Եկատերինասլավի տպագրական խմբի մեջ առավել աչքի ընկնող դիրք է զբաղում Իսահակ Լալայանցը...»¹⁹։ Այնուհետև ղեկուցագրում ասված է, որ հատուկ ուշադրություն են արժանի Լալայանցի այցելությունները Եկատերինասլավից Պոլտավա, Խարկով, Վիտերսկ, Դվինսկ, Կրեմենչուգ, «գործնական հեղափոխական կապերի նպատակով»։ Տեղական կոմիտեներն ամենուրեք համերաշխություն էին հայտնում ՌՍԴԲԿ նոր համագումար հրավիրելու համար սկսված կամպանիային։

1900 թ. մարտի կեսերին որոշվեց Մոսկվա ուղարկել Իսահակ Լալայանցին, արսորից վերադարձած Լենինին տեսնելու, նրա հետ խորհրդակցելու ՌՍԴԲԿ II համագումար հրավիրելու գծով սկսված աշխատանքների մասին։ «Ես գնացի Մոսկվա, ուղիղ Ուլյանովների տունը,— գրել է Ի. Լալայանցը,— Վլադիմիր Իլյիչին ես գտա տանը հարազատների մոտ։ Այդ օրերին նա ապրում էր Մոսկվայում, իր ընտանիքում...»²⁰։ Հինգ տարվա բաժանումից հետո Լալայանցը և Լենինը նորից միասին էին, խոսում, քննում էին իրենց հետաքրքրող հարցերը։ «Երկու օրը, որ ես անցկացրի Ուլյանովի բնակարանում,— գրել է Լալայանցը,— ինձ համար անցան բոլորովին աննկատելի օրեր են»։

Վ. Ի. Լենինը լսում է Ի. Խ. Լալայանցի ինֆորմացիան Հարավում սոցիալ-դեմոկրատիայի աշխատանքի մասին, ծանոթանում է Լալայանցի ղեկավարությունը կազմված «Համագումարի մասին կանոնադրության»-ը («Ստատուտ»), խորամուխ է լինում առաջ քաշված հարցի մեջ²¹։ Վ. Ի. Լենինը բացատրում է Լալայանցին, որ մինչև կուսակցության նոր համագումարի հրավիրումը անհրաժեշտ է երկարատև նախապատրաստական աշխատանք կատարել, մշակելու համար ծրագրային, տակտիկական և կազմակերպական այն հիմնական սկզբունքները, որոնց վրա պետք է կառուցվի կուսակցությունը, որ համագումարով ոչ թե պետք է սկսել կուսակցության վերականգնումը, այլ զրանով ավարտել այն²²։ Եվ, վերջապես, Լենինը գտնում է, որ ՌՍԴԲԿ նոր համագումարը պետք է հրավիրել ոչ թե Ռուսաստանում, այլ արտասահմանում, առաջին համագումարի բախտին չարժանանալու համար։

Ձինված Վ. Ի. Լենինի ցուցումներով, Ի. Խ. Լալայանցը վերադարձավ Եկատերինասլավ։ Բանից պարզվեց, որ ներքին գործերի մինիստրի հրամանով Մոսկվայի ժանդարմական շեֆ Զուրատովն իր առավել հմուտ մարդկանց նետել էր Եկատերինասլավ, որսալու Վ. Ի. Ուլյանովի կողմնակիցներին։ 1900 թ. ապրիլի 16-ի գիշերը ժանդարմական բանդան ձերբակալում է Եկատերինասլավի կոմիտեի բոլոր ակտիվ գործիչներին՝ 78 մարդու։ Ցուցական սկսվում է Լալայանցով²³, այնուհետև 2-րդը՝ Յխակայա Միխայիլ Գրիգորևիչ, հետո՝ Կուլագին, Մաշեցկի, Տիխոմիրով, Վիլենսկի, Լալայանց Պրասկովյա և ուրիշներ։ Ի. Խ. Լալայանցը ուղարկվում է նախ Կիև՝ «Լուկյանովկա» բանտը, այնտեղից

¹⁹ Մոսկվայի ԿՊՊԱ, ֆ. 201, 7, ԴՊ, 1900 թ., գ. 234, թ. 40—41։

²⁰ Տե՛ս «Պրոլետարսկայա ռեվոլյուցիա» ամսագիրը, 1929, № 1 (84)։

²¹ Վ. Ի. Լենին, Կենսագրություն, 1960, էջ 77։

²² Տե՛ս Ի. Լալայանցի հուշագրությունները, «Բուլշևիզմի ակունքների մոտ», էջ 59—60։

²³ Մոսկվայի ԿՊՊԱ, ֆ. ԴՊ, 7, գ. 234, 1900, թերթ 12—16։

շուտով Մոսկվա, տխրահռչակ «Տագանկա»՝ մտքի ու խղճի սպանդանոցը՝ ծրկու տարի Լալայանցը տառապում էր բանտային խցիկներում:

Արտասահման տարագրության գնալը Վ. Ի. Լենինին փրկեց, Հեռավոր Եվրոպայից Լենինը հետաքրքրվում էր մարտական ընկերների ճակատագրով, օգնում և ուղղություն էր տալիս նրանց գործունեությանը: 1901 թ. փետրվարին Մյունխենից մոտը գրած նամակում Վլ. Ուլյանովը հետաքրքրվում է «Խեղճ Կոյումբով»²⁴ (Լալայանցով): Գիտենալով բանտում Լալայանցի կրած տառապանքների մասին, Լենինը հարցնում է. «Առողջ է արդյոք նա... Պատրաստվում եմ գրել նրան...»²⁵:

1902 թ. մարտին, դեռևս մինչև դատական պրոցեսը, Լալայանցն Ուրիցկու և ուրիշների հետ միասին Լտապով ուղարկվում է Արևելյան Սիբիր, հեռավոր Բալագանի գավառը: Շուտով տեղի ունեցավ դատավարությունը և Լալայանցը իր բացակայությամբ դատապարտվեց 5 տարի աքսորի՝ Արևելյան Սիբիրում: Սակայն հինգ ամիս էլ ոստիկաններին չհաջողվեց Լալայանցին պահել Սիբիրում: Լալայանցին ձգում էր պրոֆեսիոնալ-կուսակցականի աշխատանքը, նա ձգտում էր դուրս պրծնել կապանքներից, գնալ Լենինի մոտ: Կոնսպիրատիվ ջանքեր, անձնագիր, վտանգի նոր փորձություններ, հաջող փախուստ աքսորավայրից և նորից Սամարա, հանդիպումներ Լենինի քրոջ՝ Մարիա Իլյինիչնայի հետ, այնուհետև Սարատով, մարտական ընկերուհու՝ Պրասկովյա Լալայանցի հետ զաղտնի ճանապարհորդություն Ռուսաստանում, սահմանը անցնելու փորձեր, անհաջողություններ, վերստին փորձեր, և ահա Լալայանցը սահմանի այն կողմում է, ազատության մեջ, իսկ ժանդարմական կորպուսը նրան շղթայելու մեղադրական հոդվածներ է ձևակերպում:

Իսահակ և Պրասկովյա Լալայանցները անցնում են Պրուսիան, Քյոնիգսբրգով մեկնում Բեռլին: 1902 թ. օգոստոսի սկզբներին նա հասավ Ցյուրիխ, որտեղ գտնվում էր «Իսկրա»-ի խմբագիրներից մեկը՝ Ակսելրոդը: Այստեղ է ժամանում և Պլեխանովը: Նրանք ջերմ հանդիպում են ունենում Լալայանցի հետ: Ակսելրոդը լոնդոն ուղարկած մի նամակում հայտնում է Լենինին Լալայանցի ժամանելու մասին, ինչպես նաև այն մասին, որ Լալայանցի մոտ նկատվում է «ռուսաստանյան պրակտիցիզմի ոգի», որ նա «մի քանի դիտողություններ է անում «Իսկրա»-ի մասին իր և Ռուսաստանում գտնվող այլ ընկերների կողմից»²⁶:

Վ. Ի. Լենինը իսկույն Ակսելրոդին պատասխան նամակ է գրում. «Թանկագին Պ. Բ. հենց այս րոպեին հեռագիր ստացա, որ Կոյումբը (Լալայանցը) Ձեզ մոտ է: Հազար ողջույններ հին ընկերոջս: Նամակ եմ կցում նրա համար»²⁷: Նա հավանական է մի քիչ կհանգստանա Ձեզ մոտ, կընտելանա շրջապատին, — իսկ այնուհետև ուղիղ կգա մեզ մոտ...: Լենին»²⁸:

Իսահակ Լալայանցը մեկնեց Ժնև: Շուտով «Իսկրա»-ի խմբագրությունը ամբողջովին փոխադրվեց այնտեղ, ուր ժամանեց նաև Վ. Ի. Լենինը (1903 թ. ապրիլին):

²⁴ Վ. Ի. Լենին, Նամակներ հարազատներին, Նրևան, 1934, էջ 57:

²⁵ Նույն տեղում:

²⁶ Ակսելրոդի նամակի մասին տե՛ս «Լենինյան ժողովածու», հատ. 4, էջ 157:

²⁷ Լենինի այդ նամակը, ինչպես նաև Լալայանցին գրված շատ ուրիշ նամակներ, դեռևս չեն հայտնաբերվել:

²⁸ «Լենինյան ժողովածու», հատ. 4, էջ 155:

ՌՍԴԲԿ համագումարի նախօրյակին Ի. Լալայանցը եռանդուն աշխատանքով օգնում էր Վ. Ի. Լենինին կուսակցության ստեղծման համար նրա մղած մեծ պայքարում: Վ. Ի. Լենինի առաջարկով Ի. Խ. Լալայանցը ընդունվեց Ռուսական հեղափոխական սոցիալ-դեմոկրատիայի արտասահմանյան լիգայի անդամ, այնուհետև «Իսկրա»-ին օժանդակող խմբի անդամ, նշանակվեց «Իսկրա»-ի տպարանի վարիչ²⁹: Այստեղ Լալայանցը կատարում է Լենինի հանձնարարությունները, կազմակերպում է «Իսկրա»-ի և մարքսիստական գրականություն հրատարակելու գործը: Լալայանցը գրել է առանձին բրոշյուր, որի մեջ նկարագրել է հեղափոխականներին Սիրիոյ քչելու պատմությունը: Լենինը շտապեցնում էր այդ բրոշյուրի հրատարակումը: 1902 թ. դեկտեմբերի 14-ին՝ Լոնդոնից Գ. Պլեխանովին գրած նամակում Լենինը հարցնում է. «Ի՞նչ տեղեկություն կա ժնեի հրատարակչությունից: Վերջապես ե՞րբ լույս կտեսնի Լալայանցի բրոշյուրը»³⁰:

Վ. Ի. Լենինը հանձնարարություններ էր տալիս Ի. Լալայանցին Կովկասի, մասնավորապես Հայաստանի սոցիալ-դեմոկրատական կազմակերպությունների հետ կապված հարցերի վերաբերյալ: Լոնդոնում գտնված ժամանակ, 1903 թ. հունվարի 28-ին Լենինը Կովկասից ստանալով հայ սոցիալ-դեմոկրատների միության օրգան «Պրոլետարիատ» թերթը, իսկույն այն ուղարկում է ժնե՝ Պլեխանովին, հետևյալ նամակով. «Ուղարկում եմ Ձեզ սառն «Պրոլետարիատ»: Բարի եղեր խնդրել Լալայանցին կամ որեէ մեկին՝ այդ թերթից ամբողջապես լաւագմանել այն բոլորը, ինչ վերաբերում է նացիոնալիզմին ու ֆեդերալիզմին և ՇՈՒՏԱՓՈԻՅԹ ուղարկել ինձ: Հարկավոր է ներանց մասին անպայման հոգված գետեղել»³¹:

Լրացուցիչ տեղեկությունները հիմք են տալիս հաստատելու, որ Լենինի հանձնարարությունը կատարվել է Ի. Լալայանցի միջոցով:

ՌՍԴԲԿ II համագումարից անմիջապես հետո Վ. Ի. Լենինը, ժամանելով ժնե, հաջորդ օրը այցելում է Լալայանցին: Լենինը Լալայանցին պատմել է բոլշևիկյան և մենշևիկյան ֆրակցիաների առաջացման մասին, պառակտմանը և ներկուսակցական պայքարի և այլ կարևոր հարցերի մասին: Լալայանցն ամբողջովին կանգնում է Լենինի կողմը և մասնակցում նրա մղած համառ պայքարին՝ ընդդեմ մենշևիկների, բունդականների և այլ հակալենինյան խմբերի:

ՌՍԴԲԿ արտասահմանյան լիգայի համագումարում, 1903 թ. հոկտեմբերի 13—18-ին Ի. Լալայանցը Լիտվինովի, Պրոլետարի, Բոնչ-Բրունիչի, Պրասկովյա Իվանովնա Լալայանցի և ուրիշների հետ միասին հաստատուն կերպով կազմեցին լենինյանների ֆրակցիա և Լենինի գլխավորությամբ վճռական պայքար մղեցին Մարտովի, Պոտրեսովի, Տրոցկու, Դելուի և ուրիշ կազմալուծիչների դեմ³²:

Լիգայի համագումարից հետո Վ. Ի. Լենինը Լալայանցին առաջարկեց մեկնել Ռուսաստան: Լալայանցի համար անձնագիր ձեռք բերեց Բոգդան Կնունյանցը: Հոկտեմբերի 26-ին Ն. Կրուպսկայան Ռուսաստանում գտնվող Կենտկոմի բյուրոյին հայտնել է, թե «Պատրաստեցեր բնակարան և սապոգ-

29 Նույն տեղում, էջ 192:

30 Նույն տեղում, էջ 182:

31 Նույն տեղում, էջ 208:

32 Նույն տեղում, հատ. 7, էջ 64:

ներ (այսինքն փաստաթղթեր—Ա. Մ.) Լալայանցի համար³³։ Գալով Կիև, Կենտկոմում զեկուցելով Լենինի հանձնարարությունների մասին, Լալայան լսելով անմիջապես որոնեց և գտավ Լենինի բնտանիքին։ Նա այցելեց Լենինի մոտ՝ Մարիա Ալեքսանդրովնային, քոչը՝ Աննա Իլյինիչնային և եղբորը՝ Դմիտրին, հաղորդելով Վլադիմիր Իլյիչի կյանքի ու աշխատանքի մասին։ Հանձնարարություն ունենալով գնալ Օդեսա և զխավորել բոլշևիկների գործունեությունը, Լալայանցը Դմիտրի Իլյիչից ստացավ բնդհատակում գործող վստահելի մարդկանց հասցեներ, կապեր հաստատելու համար։

Օդեսայում Բ. Լալայանցը Վորովսկու և Լեիցկու հետ միասին 1904 թ. սկզբներից ակտիվ աշխատանք է ծավալում Լենինից ստացած հանձնարարությունները կատարելու, բոլշևիկյան կոմիտեներ ստեղծելու, ՌՍԴԲԿ III համագումար հրավիրելու օգտին ագիտացիա կազմակերպելու ուղղությամբ։ Նա այցելում է Ուկրաինայի նահանգները, լինում է Ղրիմում, 1904 թ. սկզբներին, Օդեսայի կոմիտեի հանձնարարությամբ, Լալայանցը նորից մեկնում է Ճվեյցարիա, Լենինի մոտ, նրան զեկուցում հարավային նահանգներում բոլշևիկյան կոմիտեների գործունեության մասին³⁴։ Վ. Ի. Լենինից ստանալով նոր առաջադրանքներ, Լալայանցը հաղթահարում է սահմանն անցնելու դժվարությունը և վտանգների միջով նորից վերադառնում Օդեսա։ Այդ շրջանում Խ. Խ. Լալայանցի համագործակցությունը Վ. Բ. Լենինի հետ և պայքարը կուսակցության լենինյան կազմակերպչական սկզբունքները պաշտպանելու և կենսագործելու համար հարուստ է բացառիկ հետաքրքիր իրադարձություններով, որոնք պետք է լուսաբանվեն առանձին։ Այստեղ կնշենք, որ վերադառնալով Ճվեյցարիայից, Լալայանցը Վորովսկու և Լեիցկու հետ միասին կազմակերպում է Հարավային բոլշևիկյան կոմիտեների բյուրո, որը հանդիսանում էր Լենինի հենարանը ՌՍԴԲԿ III համագումար հրավիրելու և բոլշևիկյան տակտիկայի համար մղվող պայքարում։ Բյուրոյի քարտուղարն էր Պրասկովյա Լալայանցը։

1904 թ. հունիսին Օդեսայի պահանջողական բաժինը արդեն ճշտված էր համարում ՌՍԴԲԿ Օդեսայի կոմիտեի գործիչների ցուցակը և հասցեները։ Հունիսի 8-ի լույս 9-ի գիշերը ռուսիկանությունը, հանկարծակի վրա հասնելով, ձերբակալեց Օդեսայի կոմիտեի անդամներին, որոնց թվում և «պարսկահատակ» «Յակով Լեոնին», հայտնաբերեց կոմիտեի տպարանը, կնիքը, հրատարակությունների պահեստը³⁵։ Օտարահատակ Յակով Լեոնը շատ փորձեր կատարեց ազատվել կալանքից, քանի որ նրա բնակարանը խուղարկելիս «ոչինչ հանցավոր բան չէր գտնվել և պահանջողական բաժնի տվյալները նրա մասին չէին հաստատվում»³⁶։ Օդեսայի դատական պալատի դատախազն արդեն պատրաստվում էր ազատ արձակել այդ «թափառական օտարերկրացուն»։

1905 թ. հունվարին, սակայն, Լեոնին բանտի գրասենյակ են կանչում, և ժանդարմը նրան է ներկայացնում իր իսկական լուսանկարը, անվանում իսկական անունով ու ազգանունով և ասում, որ նա Ճ տարով Սիրիոյի աքսորի

³³ Նույն տեղում, էջ 210։

³⁴ ՀԴԿԳԱ, ֆ. 619/բ, գ. 1651, թ. 28—29։

³⁵ Օդեսայի մարզային պետարխիվ, ֆ. 634, ց. 1, գ. 138, թ. 1։

³⁶ Նույն տեղում, էջ 25։

դատաւարտւած «Հանցագործն է»³⁷։ Եւ ի ահա նորից նույն Օղեսայի բանտը, հետո էտապային ճանապարհորդութիւն։ Մոսկվա՝ «Բուտիրսկի» բանտը, հետո արտոր Վոլոգդա՝ կրելու այն 5 տարւոյ արտոր, որից փախել էր։

1905 թ. փետրւարին Լալայանցը Վոլոգդայում էր։ Հասնելով արտորավայրը, նա վարակւում է տիֆով և մեկ ամիս մահամերձ վիճակում էր, ոստիկանական բժիշկների հսկողութեան տակ։

Ցարական ոստիկանները երկար չկարողացան նրան կաշկանդել։ 1905 թ. ապրիլին, առողջանալուն պէս, Լալայանցը փախչում է Վոլոգդայի արտորից և գաղտնի ժամանում Պետերբուրգ։ Դա արդեն ՌՍԴԲԿ 111 համագումարից անմիջապէս հետո էր։ Լենինի գլխավորութեամբ բոլշևիկները նոր եռանդով պայքար էին ծավալել կուսակցութեան շարքերի համախմբման և սկսւած հեղափոխութիւնը գլխավորելու համար։ Լալայանցն անմիջապէս մտաւ հեղափոխական գործունեութեան հորձանուտը մայրաքաղաքում։ Այդ շրջանում Ի. Խ. Լալայանցը նամակագրութիւն ուներ Կրուպսկայայի հետ, որի միջոցով Լենինին հաղորդում էր անհրաժեշտ ինֆորմացիա և ստանում ցուցումներ³⁸։

Պետերբուրգ ժամանելուն պէս Ի. Լալայանցը նշանակւեց ՌՍԴԲԿ Կենտկոմին կից պրոպագանդիստ։ Այդ մասին գրել է Կենտկոմում աշխատող Դելտան (Ե. Դ. Ստասովան)՝ Պետերբուրգից հղած նամակներից մեկում³⁹։ Մի քանի օր դրանից հետո Ն. Կրուպսկայան նամակ է գրում Ի. Խ. Լալայանցին՝ հետեւյալ բովանդակութեամբ. «Թանկագին բարեկամ. ինչու չեք գրում։ Մեզ գրել են, որ Դուք նշանակւել եք պատասխանատու պրոպագանդիստ։ Եստ խնդրում ենք Ձեզ, մանրամասն գրել Ձեր աշխատանքի մասին։ Դուք ըստ երևույթին կմեկնեք այցելութեան։ Անպայման գրեք Ձեր տպավորութիւնների մասին»⁴⁰։ Այնուհետև Կրուպսկայան Լենինի անունից հանձնարարութիւններ է տալիս Լալայանցին՝ տեղերից իրենց հետ կապեր ստեղծելու մասին։

Վ. Ի. Լենինը գծում էր, որ ՌՍԴԲԿ Կենտկոմը Լալայանցին նշանակել է միայն պրոպագանդիստ։ Կենտկոմի Ռուսական մասին գրած մի նամակում Կրուպսկայան հայտնում է. «Հղում ենք ջերմ ողջուն Կուրցին և Ինսարովին» (Լալայանցին), սպասում ենք նրանցից նամակների։ Ֆրելը (Լենինը) առաջարկում է անմիջապէս Ինսարովին վերցնել Կենտկոմի գործակալ»⁴¹։

Դրանից մի քանի օր հետո Վ. Ի. Լենինը նամակ է ուղարկում Կենտկոմին նրա ընդունած որոշումների և Կենտկոմի կազմում կատարւող լրացումների մասին։ Լենինը գրել է. «Թանկագին բարեկամներ։ Ձեր վերջին նամակների առթիւ պետք է լսել, որ համաձայն եմ բոլոր որոշումների հետ, բացի երկուսից։ 1) Մատրենային (Պ. Գ. Սմիդովիչին) գործակալ նշանակելու դեմ ես վճռականապէս բողոքում եմ և թախանձանքով խնդրում եմ վերանայել... Ստանիսլավի (Ա. Վ. Սոկոլով) վերաբերյալ կիսեղերի հաղորդել ինձ, քեզ և Նա, ինչ և ինչպէս է։ Իսկ իմ կողմից, հուլիս կերպով երաշխավորում եմ գործակալ նշանակել Լալայանցին, որը Օղեսայում և հաւաքալիք բոլորում հանդես է բերել արտասովոր կազմակերպչական ընդունակութիւններ և բոլորը

37 Նույն տեղում, էջ 27։

38 ՄԼԻ ԿՊԱ, ֆ. 18, ց. 17ն, գ. 1255, թ. 1—12 և այլ էջեր։

39 Նույն տեղում, ֆ. 26, ց. 21ն, գ. 19978, թ. 1։

40 Նույն տեղում, ֆ. 25, ց. 29ն, գ. 19999, թ. 1։

41 Նույն տեղում, ֆ. 25, ց. 21ն, գ. 19977, թ. 3։

կարծիքով սփանչելի է կազմակերպել կենդանի աշխատանքը: Նա տեղական ամբողջ աշխատանքի հողին էր, — այսպես են ասում մի շարք օգեսացիներ, որոնք նույնիսկ բնավ էլ միշտ չեն համակրում «կարծրաքարներին»: Վերջապես, նա վերին աստիճանի կայուն սկզբունքների մաքուր է... Ամուր սեղմում եմ ձեր ձեռքը՝ ն. Լենին»⁴²:

Կենտկոմը ընդունում է Վ. Ի. Լենինի առաջարկը: Վ. Ի. Լենինի մոտ գնալով, Դելտան (Ստասովան) հայտնում է, որ Լալայանցը կոոպտացիայի է ենթարկվել Կենտկոմի կազմի մեջ: Վ. Ի. Լենինը 1905 թ. հոկտեմբերի 3-ին Կենտկոմին գրած նամակում ընդգծում է, որ Լալայանցի և Լյուբիչի կոոպտացիան «ամբողջովին ողջունում է», որ դա «հավանորեն մեծապես կբարելավի գործը»⁴³:

1905 թ. բուռն օրերն էին: Լալայանցը, որպես բուլշևիկների Կենտկոմի անդամ, ոգևորված Լենինի մեծ վստահությամբ և բարձր գնահատականներով, մեկնեց Հարավ, կատարելու Լենինի հանձնարարությունները:

Ի. Խ. Լալայանցը մեկնեց Ղրիմ՝ նավաստիների զինված պայքարի ղեկավարմանը մասնակցելու և մասնավորապես Սևաստոպոլի կոմիտեին օգնելու համար: «Ղրիմի կազմակերպությունը ձեռքից-ձեռք էր անցնում, — գրել է Ի. Լալայանցը, — նրա համար կատաղի պայքար էր գնում մենշևիկների դեմ»⁴⁴: Լալայանցը Սիմֆերոպոլում և Սևաստոպոլում այդ պայքարի գլխավորողներից մեկն էր: Հին կոմունիստ Մ. էսսենը, որ ականատես է եղել այդ դեպքերին, իր վերջին նամակներից մեկում գրել է. «Լենինը Լալայանցը՝ հիանալի մի կազմակերպիչ, որը գերազանց կերպով գիտեր այդ հեղափոխական միջնաբերդի (Սևաստոպոլի) նշանակությունը, հաստատակամորեն Կենտկոմից օժանդակություն էր խնդրում՝ Սևաստոպոլի կոմիտեն գրավելու համար»⁴⁵:

Հետագայում Ի. Լալայանցը մեծ բավականությամբ նշում է, թե «Սիմֆերոպոլի մերն է», «Սևաստոպոլը գրավված է»⁴⁶, ակնարկելով մենշևիկների պարտությունը և բուլշևիկ-լենինյանների հաջողությունը:

Այնուհետև Լալայանցը մեկնում է Անդրկովկաս: Լալայանցի Անդրկովկաս գալու մասին մինչև այժմ գրականության մեջ ոչինչ հայտնի չէր: Այդ իրապես ունի հատուկ կարևորություն: Այդ օրերին Լալայանցի զինակից և կրթական հեղափոխական գործիչ Պրասկովյա Իվանովնան գրում է, որ Լալայանցը Կենտրոնական կոմիտեի հանձնարարությամբ շրջագայում է Խուսաստանի շատ քաղաքներ, որ նա «գործողվում է Հարավային Խուսաստան և Կովկաս»: «Լալայանցը եղավ Բաքվում» և Անդրկովկասի այլ վայրերում — նշում է Կուլյարկոն:

«Հիշում եմ, — գրում է Պրասկովյա Իվանովնան, — այդ ժամանակ Բաքվում և Անդրկովկասի այլ քաղաքներում ազգամիջյան արյունահեղ ընդհարումներ էին տեղի ունենում: Այդ կապակցությամբ էլ Լալայանցը դնաց Անդրկովկաս»:

42 «Լենինյան ժողովածու», հատ. 5, էջ 479 (ընդգծում. իմն են — Ա. Մ.):

43 Վ. Ի. Լենին, Երկեր, հատ. 34, էջ 395:

44 «Пролетарская революция», ամսագիր, 1930, № 4, էջ 124:

45 էսսենի նամակը գտնվում է մեր տրամադրության տակ:

46 Տե՛ս «Революционное движение в Таврической губернии в 1905—1907», Крым издат, 1955, էջ 9:

1906 թ. դեկտեմբերի 1-ին պահանջողական բաժնի տեղեկություններով ժանդարմերիան ձերբակալեց ՌՍԴԲԿ Պետերբուրգի կոմիտեին կից ռազմական կազմակերպության կոմիտեի ամբողջ կազմը, որի մեջ էր նաև Ֆրիդրիխ Կլենկին (Իսահակ Լալայանցը)։ Երկու տարի Լալայանցը տանջվեց բանտերում մինչև դատու։ 1908 թ. սեպտեմբերին Պետերբուրգի օկրուգի ռազմական դատարանը 102-րդ հոդվածով Ի. Խ. Լալայանցին դատապարտեց 6 տարի տաժա՝ նակրոթյան Արևելյան Սիբիրում։

Վ. Ի. Լենինի դինակիցն ու մարտական ընկերը պոկվեց կուսակցական կոլեկտիվից և նետվեց Արևելյան Սիբիրի հեռավոր, խուլ անկյուններից մեկը՝ ժանդարմների հսկողության տակ։

Մոտ 10 տարի Լալայանցն ապրեց Իրկուտսկի նահանգում, սկզբում գրտնրվելով բանտում, հետո տաժանակրոթյան մեջ. Ցարի անկումից հետո ֆիզիկապես հյուծված ու հիվանդ Լալայանցը բնակվում էր Իրկուտսկում։

Հոգեկան մղձավանջից նա ուշքի է գալիս և աշխատանքի անցնում Իրկուտսկի սպառողական կոոպերացիայի ցանցում՝ տնտեսագետի պաշտոնով, իր բազմանդամ ընտանիքի կարիքները բավարարելու համար։ Սիբիրում Լալայանցն ամուսնացել էր վերաբնակեցված ուկրաինուհու՝ Աննա Սաֆոնովայի հետ, որից ունեցել էր երեք երեխա։ Հինգ շնչից բաղկացած ընտանիքը պահելը աքսորական հիվանդ մարդու համար դժվարին բան էր։

1921 թ. Վ. Ի. Լենինը տեղեկանում է, որ Ի. Խ. Լալայանցը կենդանի է և ապրում է Արևելյան Սիբիրում և իսկույն նրան կանչում է Մոսկվա։

1922 թ. հունվարի 13-ին Լալայանցը գալիս է Մոսկվա։ Վերջապես նորից հանդիպում են վաղեմի ընկերները։

Վ. Ի. Լենինը երկու ժամ զրուցում է Լալայանցի կյանքի, վերապրածի և ընտանեկան վիճակի մասին։ Իլյիչը կարգադրություն է անում Լալայանցին բնակարան տրամադրելու, տեղավորելու, նյութապես ապահովելու մասին։ Լալայանցին բնակարան է տրվում «Նացիոնալ» հյուրանոցում, որտեղ ապրել էր ինքը՝ Լենինը։ Ի. Խ. Լալայանցը և նրա ընտանիքը, մասնավորապես տղաները՝ Վլադիմիրը, Լեոնիդը և աղջիկը՝ Վալենտինան, Վ. Ի. Լենինի և Ն. Կրուպսկայայի հաճախակի հյուրերն էին, որոնց հետ Իլյիչը զրուցում էր, կատակում։

Վ. Ի. Լենինի ցուցումով Ի. Խ. Լալայանցը աշխատանքի ուղարկվեց Ն. Կ. Կրուպսկայայի մոտ, գլխավոր ֆազլուսվարչությունում։

Վ. Ի. Լենինը մինչև իր կյանքի վերջը հոգատար էր Լալայանցի և նրա ընտանիքի նկատմամբ։

1933 թ. հուլիսին Ի. Խ. Լալայանցը վախճանվեց Մոսկվայում։ Հեղափոխական պայքարի ընկերները և Վ. Ի. Լենինի հարազատները «Պրավդա»-ում տպագրեցին մահախոսական, ուր ասված է. «Երկար տարիներ, սկսած 90-ական թթ. սկզբներից, Լալայանցը եղել է Լենինի զինակիցը և բարեկամը...»։

ИСААК ЛАЛАЯНЦ

Доктор историч. наук А. Н. МНАЦАКАНЯН

(Р е з ю м е)

В статье освещается жизнь и революционная деятельность одного из старейших деятелей коммунистической партии Советского Союза, первого армянского марксиста-ленинца — Исаака Христофоровича Лалаянца (1870—1933).

И. Х. Лалаянц родился в Кизляре, начальное образование получил там же на родном армянском языке. Затем учился в Тифлисе и в Казанском реальном училище, где участвовал в марксистском кружке Федосеева. В 1889 г. вместе с Федосеевым он был арестован и выслан из Казани.

В 1893 г. Лалаянц отправляется в Самару. Здесь он знакомится с В. И. Лениным и А. П. Скляренко, вместе с ними организует марксистский кружок «Самарской тройки». С этого периода Лалаянц становится ближайшим другом и соратником Ленина.

17 апреля 1900 г. Лалаянц был арестован, а в 1902 г. выслан в Балаганск (Сибирь). В июле он совершает побег, переходит границу и отправляется в Берлин, Цюрих, Женеву. В этот период он принимает активное участие в подготовке II съезда РСДРП, в издании газеты «Искра», участвует на II съезде заграничной лиги РСДРП.

В октябре 1903 г. В. И. Ленин направляет Лалаянца и других своих соратников в Россию. Вместе с Воровским и Левицким Лалаянц организует и возглавляет Одесский комитет большевиков, а затем и Бюро южных комитетов большевиков, разворачивает большую работу по созыву III съезда партии. По предложению Ленина он входит также в состав объединенного ЦК РСДРП от большевистского центра.

В июле 1904 г. Лалаянц снова был арестован, а в феврале 1905 г. был сослан на 5 лет в Вологодскую губернию. Вскоре он совершает побег, нелегально поселяется в Петербурге, становится одним из руководителей питерской организации и кооптируется в состав большевистского ЦК РСДРП, избранного на III съезде партии. Отсюда в качестве представителя ЦК выезжал на юг России, побывал в Баку и Тифлисе, выступал против организаторов армянских погромов в Баку.

1 декабря 1906 г. Лалаянц еще раз был арестован и приговорен к 6 годам каторги. До февраля 1910 г. он находился в Шлиссельбургской крепости. В конце 1913 г. Лалаянц был отправлен на поселение в Восточную Сибирь. Вплоть до 1920 г. он проживал в Сибири.

В конце 1921 г. В. И. Ленин, узнав о судьбе своего старого друга, распорядился вывести Лалаянца с семьей в Москву. В последние годы своей жизни Лалаянц работал в Главполитпросвете.